



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

4. Quod Deus sit fons perennis omnis bonitatis in creaturis elucescentis.

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

Quod Deus sit fons perennis omnis bonitatis & perfectionis in Creaturis elucescentis.

IV.

Ex eadem
medit. p. 4

I. **D**EUS est abyssus infinita omnis essentiae, bonitatis, & perfectionis, etiam possibilis, omnium possibilium creaturarum, & fons perennis omnium bonorum, quae in creaturis reperiuntur, cum illa omnia eminentissimè in se contineat. Est enim *lux super omnem lucem, quam non capit oculus: vox super omnem vocem, quam non capit auris: odor super omnem odorem, quem non capit naris: dulcor super omnem dulcorem, quem non capit gustus: amplexus super omnem amplexum, quem non capit tactus.* Est Potentia, Sapientia, Fortitudo, Pulchritudo, Suavitas, Bonitas, Amabilitas, quam non capit ullus creatus intellectus. Quanta ergo caecitas mortalium tantam Dei bonitatem non amantium, imò futilem creaturae euanidamque bonitatis speciem veræ infinitaeque bonitati Creatoris postponentium? Si enim à caecis mundi amatoribus tanto perè diliguntur diuitiae, honores, voluptates, propter aliquam exiguam bonitatem, pulchritudinem, suavitatē,

D d

excel-

excellentiā in ijs apparentem: quid si illa bonitas, pulcritudo, suauitas, excellentia, duplo, decuplo, centuplo, millecuplo maior redderetur, an non duplo, decuplo, centuplo, millecuplo plus diligeretur? quod si infinitè intenderetur, an non infinitè amplius diligeretur? En talis infinita bonitas, pulcritudo, suauitas, excellentia, & omnis generis amabilitas est Deus noster, in quo viua sunt omnia, quæ in creaturis ab ipso veluti eximio pictore, depicta, & sic efformata sunt, vt viua appareant, licet figuræ sint potius, non rei veritas, iuxta illud: *Præterit figura huius mundi.* Et tamen, cheu, toties tam parui æstimatur, tam frigidè amatur, tam facilè contemnitur! Hanc si vel semel intueri liceret, quomodo omnis creata pulcritudo, suauitas, excellentia sorderet? nunquam sanè nobis cum beatis comprehensoribus ab ea contemplanda, suspicienda, amanda, vel ad momentum mentem affectumq; abstrahere liberet, ne quidem ob lucrandum omnium possibilium oblectationum, quæ ex creaturis etiam possibilibus hauriri possent, æternam fruitionem! Amor Dei, zelus eius obsequio se totum mancipandi.

II. O.

II. Omnis perfectio, pulcritudo, bonitas, suauitas, excellētia, quæ in creaturis vllis vsquam reperta est, & reperitur, est guttula quædam deriuata ex immenso pelago omnis perfectionis, pulcritudinis, bonitatis: ac proinde nullo modo diligenda propter se, nec vt finis vltimus intendenda, sed propter Deum fontem inexhaustum, ex quo emanauit, & prout ipse vult, diligenda est, atque in ipsam, velut vltimum finem, referenda.

Quam sanctè ergò bonitate, suauitate, excellentia creaturarum in subsidium tuum conditarum vt te oporteret, ex ijs ad creatorem agnoscendum, amandum, glorificandum ascendendo: ijsdem veluti adminiculis maioris gratiæ & gloriæ acquirendæ in decurrendo stadio perfectionis innitendo? Zelus Deum in creaturis, querendi, amandi, glorificandi, ijsque sanctè secundum diuinum beneplacitum vtendi.

III. Quicquid in te est boni naturalis, vel supernaturalis: quicquid bonæ valetudinis, roboris, indolis, ingenij, scientiæ, prudentiæ, eloquentiæ: quicquid bonæ voluntatis, gratiæ, donorum gratis datorum, id totum

similiter guttula est perexigua gratis in te deriuata ex infinito omnis boni Oceano; ex gratuita eius liberalitate, in eum finem, vt ipsum auctorem omnium donorum agnoscas, ames, glorifices, acceptisque talentis ad illius gloriam, tuam, proximorumque salutem promouendum strenuè vtaris.

Quàm æquum igitur est, vt in mare illud immensum refluant, ex quo fluxere, omnium tibi communicatarum flumina gratiarum? Vt te ipsum totum cum omnibus animæ & corporis dotibus tibi cōcessis in solidum impendas seruitio eius, à quo quicquid es, quicquid habes, quicquid potes, gratis accepisti? Amor, feruor corpus & animam diuino obsequio promptè consecrandi, & constanter impendendi.

In Festo Corporis Christi.

v. *De causis institutæ huius solemnitaris.*

I. **V**oluit æternus Pater solennem hanc Theophoriæ celebritatē, instinctu Spiritus sancti, ab Ecclesia Christi Filij sui Sponsâ toto orbe institui, ac festiuis gaudijs frequentari.

1. Vt debitus honor sanctissimæ carni Saluatoris nostri per publicas vias in
pas-